


IZVJEŠTAJ O RADU
JAVNA USTANOVA MJEŠOVITA SREDNJA ŠKOLA MAGLAJ
ŠKOLSKA 2017/2018. GODINA

NAZIV ODGOJNO-OBRAZOVNE USTANOVE	JAVNA USTANOVA MJEŠOVITA SREDNJA ŠKOLA MAGLAJ
TEHNIČKE I SRODNE ŠKOLE, STRUČNE ŠKOLE	<i>Ekonomski tehničar</i> <i>Elektrotehničar energetike</i> <i>Mašinski tehničar</i> <i>Hemijski tehničar općeg smjera</i> <i>Tehničar drumskog saobraćaja</i> <i>Mašinska stručna škola (Bravar, Plinski i vodoinstalater, Zavarivač, Metalostrugar, Automehaničar)</i> <i>Elektrotehnička stručna škola (Elektromehaničar i Elektroenergetičar)</i> <i>Tekstilna stručna škola (Konfektionar tekstila - Krojač)</i> <i>Stručna škola uslužnih djelatnosti (Frizer-Vlasuljar)</i> <i>Trgovinska stručna škola (Prodavač)</i> <i>Hemijsko-tehnološka stručna škola (Proizvođač celuloze i papira i Hemijski laborant)</i> <i>Specijalna stručna škola (Polukvalifikovani knjigovezac)</i>
BROJ UČENIKA I BROJ ODJELJENJA (u matičnim i područnim školama)	575 učenika raspoređenih na 28 odjeljenja.
USPJEH UČENIKA U UČENJU I VLADANJU	169 ili 29,39% učenik sa odličnim uspjehom 234 ili 40,70% učenika sa vrlo dobrim uspjehom 157 ili 27,30% učenika sa dobrim uspjehom 10 ili 1,74% učenika sa dovoljnim uspjehom 5 ili 0,87% učenika je upućeno na ponavljanje razreda
	444 ili 77,22% učenika ima primjerno vladanje 43 ili 7,48% učenika ima vrlo dobro vladanje 46 ili 8,00% učenika ima dobro vladanje 30 ili 5,21% učenika ima vladanje zadovoljava 12 ili 2,09% učenika ima loše vladanje
UVJETI RADA (prostor, oprema učila i drugo)	Škola prema GPR – u raspolaže sa ukupno 3780 m2 površine. Od toga posjedujemo 12 učionica, 12 kabineta, 1 laboratorij (dijelimo sa Gimnazijom), 8 radionica za praktičnu nastavu, biblioteku (dijelimo sa Gimnazijom), sportski poligon, te salu za manifestacije i ljetnu učionicu. Kada je u pitanju oprema možemo konstatovati da smo dosta dobro opremljeni za teoretsku nastavu, što se ne može reći za praktičnu nastavu, jer smo u poplavama 2014. godine izgubili u potpunosti opremu za mašinsku, elektro, tekstilnu i frizersku struku. Nešto od te opreme je velikim entuzijazmom uposlenih vraćeno u nastavni proces, ali nam još uvijek nedostaje nastavnih sredstava i pomagala da bismo bili zadovoljni tim dijelom. Tekstilna struka je putem donacije firme JUKI, a koja je realizovana putem HM Prometa Maglaj, te realizovanim projektom UNDP-a u školskoj 2017/2018. godini, svoju praktičnu nastavu podigla na zavidan nivo. Putem Općinskog vijeća Maglaj pozivamo sve lokalne firme koje su u mogućnosti da pomognu mladima općine Maglaj obezbjeđujući potrebna nastavna sredstva i pomagala za ovu ustanovu.

BROJ I STRUKTURA ZAPOSLENIH (stručna zastupljenost nastave)	Nastava u ovoj ustanovi je stručno zastupljena, a u školskoj 2017/2018. godini bilo je uposleno ukupno 64 profesora/nastavnika, od čega je 54 sa VSS-om, 3 sa VŠ-om i 7 sa SSS-om.
REALIZIRANE AKTIVNOSTI U OKVIRU GODIŠNJEG PROGRAMA RADA	Sve planirane aktivnosti GPR-om škole su realizovane, a ovdje bih posebno istakli podatak o realiziranoj redovnoj nastavi, gdje smo planirali i ostvarili 35835 nastavnih časova, te po 1785 časova školskih sekcija, 770 časova dodatne nastave i 1190 časova dopunske nastave.
VANNASTAVNE AKTIVNOSTI	Svi oni koji nas prate putem facebook stranice škole znaju da je vannastavni život u našoj školi itekako bogat i sadržajan. U školi egzistira preko 20 sekcija. Sve su one aktivne shodno svom programu. Ističemo samo najznačajnije uspjehe i aktivnosti: rezultati sa takmičenja na nivou Kantona govore da pripadamo samom vrhu Mješovitih srednjih škola Zeničko-dobojskog kantona, pa smo tako u pomenutoj konkurenciji na Kantonalnom takmičenju iz MATEMATIKE osvojili: PRVO MJESTO za učenike trećih razreda, PRVO MJESTO za učenike četvrtih razreda, DRUGO MJESTO za učenike prvih razreda, te TREĆE MJESTO za učenike drugih razreda; FIZIKA PRVO MJESTO iz oblasti A – Mehanika i toplota, te TREĆE MJESTO iz oblasti B – Elektromagnetizam i oscilacije; FESTIVAL RADA SREDNJIH TEHNIČKIH I STRUČNIH ŠKOLA Bosne i Hercegovine : PRVO MJESTO – Bravar, PRVO MJESTO – Konfekcionar tekstila – Krojač, te ČETVRTO MJESTO – Hemijski tehničar općeg smjera. Pored uspjeha na takmičenjima, na koje smo itekako ponosni, ističemo i slijedeće vannastavne aktivnosti: organizacija Tradicionalnih malonogometnih turnira; humanitarne akcije; saradnja sa RO Merhamet Maglaj (besplatno šišanje korisnika Javne kuhinje i prema potrebi volontiranje učenika), saradnja sa Crvenim krstom/križom općine Maglaj (akcije Dobrovoljnog darivanja krvi i prema potrebi volontiranje učenika), saradnja sa Staračkim domom Maglaj (besplatno šišanje korisnika), saradnja sa dječijim vrtićima općine Maglaj (pozorišne predstave za korisnike na temu školskog projekta „Hrana i zdravlje“), učešće na manifestaciji u organizaciji Opće biblioteke Maglaj; realizacija projekta na nivou škole „Hrana i zdravlje“; posjeta učenika ekonomske struke Centralnoj banci u Sarajevu; posjeta učenika hemijske i elektro struke Natron-Hayat-u i Diti Tuzla; edukativno-kulturno-zabavne priredbe u povodu Bajrama, Dana državnosti Bosne i Hercegovine, Dana nezavisnosti Bosne i Hercegovine; manifestacija Smotra stvaralaštva učenika koja je pored priredbe ponudila i izložbu učeničkih radova nastalih na časovima teoretske i praktične nastave-prodajnog karaktera, gdje je novac od prodatih eksponata iskorišten za kupovinu mjesečnih karata socijalno ugroženim učenicima naše škole; učenici hemijske struke već tradicionalno realizuju aktivnost na temu: „Biram savjesno, nosim prirodno“, te prezentacija hemijskih eksperimenata učenicima područne škole Liješnica..... Pozivamo vas da nas i dalje pratite putem facebook stranice: Msš Maglaj.....
REALIZIRANI PROJEKTI	UNDP projekat opremanja školske radionice tekstilne struke u vrijednosti od 3.500,00 KM. U saradnji sa Asocijacijom informatičara u Bosni i Hercegovini realizovan projekat za petnaest maturnatica naše škole u sklopu kojeg su iste postale vlasnice ECDL sertifikata.

POTEŠKOĆE I PROBLEMI U RADU TE PREIJEDLOZI ZA NJIHOVO OTKLANJANJE	O problemima ove ustanove smo govorili u stavci uvjeti rada, a dodali bismo još problem nepostojanja sportske školske sale koja, prije svih, stvara velike probleme mladima općine Maglaj, što se odražava na njihovo zdravlje, te gubljenje jednog nastavnog časa tjelesnog i zdravstvenog odgoja tokom sedmice, s obzirom da jedan nastavni čas učenici izgube na putu od škole do dvorane i nazad. Naš prijedlog za rješavanje ovog problema ide u smjeru da Općinsko vijeće Maglaj pozove UNDP-a na saradnju i partnerstvo u izgradnji sportske školske sale. Nadamo se da nas naši prijatelji iz UNDP-a nisu zaboravili, tj. nisu zaboravili obećanje i svoju ponudu o gradnji sportske školske sale iz 2015. godine. Drugo moguće rješenje ide u pravcu realizacije javno-privatnog partnerstva i treći mogući način jeste kreditno zaduženje Općine u partnerstvu sa našim nadležnim Ministarstvo. Smatramo da je to moguće riješiti, te na taj način mladima općine Maglaj omogućiti dostojanstveno srednjoškolskog obrazovanje što bi se svakako odrazilo i na ostanak svršenih osnovnoškolaca na našoj Općini, te podizanju kvalitete rada lokalnih sportskih klubova.
RAD VIJEĆA UČENIKA I VIJEĆA RODITELJA	Vijeće učenika održava redovne sastanke (održanih 8 sjednica) i provodi aktivnosti na promociji škole u lokalnoj zajednici. Navodimo samo neke: obilježen Dan državnosti Bosne i Hercegovine (podjela čestitki građanima općine, prigodan školski program), obilježen Dan nezavisnosti Bosne i Hercegovine sličnim aktivnostima, uređenje školskog dvorišta, prisustvo sastancima Vijeća učenika srednjih škola ZDK, promocija kampanje „Hrana i zdravlje“), obezbjeđenje novogodišnjih paketića za učenike prvih razreda osnovnih škola, organizacija i realizacija manifestacije „Dani otvorenih vrata“ za učenike IX-ih razreda osnovnih škola naše općine.... Vijeće roditelja također održava redovne sastanke na kojima raspravlja o školskoj problematici, donosi određene zaključke sa kojima se upoznaje Nastavničko vijeće putem koordinатора profesora Mersudina Muminovića. Naša želja jeste veći angažman roditelja u radu škole, te njihov veći doprinos u unapređenju odgojno-obrazovnog procesa.
ODRŽANI SASTANCI ŠKOLSKOG ODBORA	Školski odbor redovno održava svoje sastanke i u školskoj 2017/2018. godini je održao ukupno 14. sastanaka na kojim je razmatrao problematiku ove ustanove, te rješavao iste shodno svojim mogućnostima i ovlastima.
DRUGI PODACI O RADU ODGOJNO-OBRAZOVNE USTANOVE	-
POTPIS I PEČAT ODGOVORNOG LICA	Direktor:  /Ermin Tanković, prof./

S poštovanjem!